

INUIT ATAQATIGIIT

Inatsisartuni



1. februar 2019

Inatsisartut Suleriaasianni § 37 imm. 1 naapertorlugu Naalackersuisunut apeqquut imaattoq matumuuna saqqummiuppara.

Naalackersuisunut apeqquut:

- 1. Kangaatsiami nunaqarfiinilu imeqarniarnerup ajornartorsiutaanera pitsanngorsarniarlugu Naalackersuisut qanoq pilersaaruteqarpat?**
- 2. Kangaatsiami nunaqarfiinilu imeqarniarneq pitsanngorsarneqassappat qanoq annertutigisumik aningaasatigut naleqassava?**

(Inatsisartuni ilaasortaq Aqqa Samuelson, Inuit Ataqatigiit)

Tunngavilersuut:

Kangaatsiami nunaqarfiinilu imeqarniarneq ukiorpassuarni ajornartorsiutaanera ilisimaneqarpoq. Kangaatsiami nunaqarfiinilu imeqarniarnerup ajornartorsiutaanera pissutigalugu, erngup mingoqartarnera innuttaasut peqqissumik inuuneqarnissaannut innarliisarmat imeqarniarnerup iluarsineqarnissaa innuttaasut ukiorpassuarni ilungersuuteqarsimapput.

Kangaatsiami nunaqarfiinilu imeqarniarnerup ajornartorsiutaanera ilaatigut pissutaalluni aalisakkanik tunisassiorfiit tamakkiisumik tunisassiorsinnaanerannut kipiluttunartumik atugassaqaqtitsisarnera susassaqaqtunit oqariartuutigineqartarpoq. Kangaatsiami imeqarniarneq aqqiivigineqarpat innuttaasut peqqinnerulernerannik taavalu aalisakkanik tunisassiorfiit aalaakkaanerusumik tunisassiorsinnaalernissaannut pitsanngorsaataassaaq, tamannalu innuttaasut isertitaqarnerulernerannik kinguneqartussaassasoq qularutissaanani.

Ullut sulliviit qulit naliginnaasut iluanni apeqquutinnut akissutit tiginissaannut qilanaarpunga.